

宋廬陵四忠集

劉峙題
簽

周文忠公全集卷首目錄

邑後學劉峙重刊

四庫全書總目提要一條

張序一首 張敦仁

彭序一首 彭邦疇

王序一首 王贈芳

歐陽重刊敘略一首 歐陽棨

歐陽續刊敘略一首 歐陽棨

彭定凡例 彭邦疇

歐陽重刊凡例 歐陽棨

歐陽續刊凡例 歐陽棨

宋史本傳 元脫脫撰

南宋書本傳 明錢士升撰

宏簡錄宰輔列傳 明邵經邦撰

年譜 周綸輯

總目

四庫全書總目提要

文忠集二百卷

浙江鮑士恭家藏本

宋周必大撰必大有玉堂雜記已著錄是集卽史所稱平園集者是也開禧中其子綸所手訂以其家嘗刻六一集故編次一遵其凡例爲省齋文稿四十卷平園續稿四十卷省齋別稿十卷詞科舊稿三卷掖垣類稿七卷玉堂類稿二十卷政府應制稿一卷歷官表奏十二卷奏議十二卷奉詔錄七卷承明集十卷辛巳親征錄一卷龍飛錄一卷歸廬陵日記一卷閒居錄一卷泛舟遊山錄三卷乾道庚寅奏事錄一卷壬辰南歸錄一卷思陵錄一卷玉堂雜記三卷二老堂詩話二卷二老堂雜誌五卷唐昌玉蕊辨證一卷近體樂府一卷書稿三卷劄子十一卷小簡一卷其年譜一卷亦綸所編又以祭文行狀諡誥神道碑等別爲附錄四卷終焉陳振孫謂初刻時以奉詔錄親征錄龍飛錄思陵錄十一卷所言多及時事託言未刊鄭子敬守吉時募工人印得之世始獲見完書今雕本久佚止存鈔帙而玉堂雜記二老堂詩話等編世亦多有別本單行者已各著於錄茲集所載則依原書編次之例仍

暨毛詩本義又刻其家文公圭齋集蓋其篤念前徽敦崇古學戛戛乎有以自異天
故於平園遺集特晦其傳迺假手於廬陵之後裔以答昔年編校之勤贈芳亦幸藉
二三君子之力得償其積願雖神物之顯晦或有數存乎其間而介卿昆弟之賢則
固兩文忠所默相者也顧嘗論之益公平生願慕歐陽子歷官得諡亦復相類惟其
時江上偏安敵讐窺伺較之明道嘉祐間相懸萬萬公以忠直受知孝宗參樞筦歷
二府凡舉戰守之機宜邊帥之勇怯使命之當否一決於公賴公之經營區畫而宗
社粗安者數十年今讀其奏劄慷慨激發與忠簡文山所上書疏相似至若草兩朝
內禪之制及臣僚除授之文雍容都雅則於歐陽子爲近蓋歐陽子幸而際其盛公
則不幸而值其艱而勛業爛然有光先哲心跡同符百世不可磨滅讀公集者卽其
文以考其事相與勉爲經世之學氣節文章益進於古俾吾廬陵之盛復如有宋時
也此則介卿所拳拳亦贈芳與諸君子蒐輯之苦心也夫前分鈔翰苑本者新城周
貞木太守泰和周夢巖學使也訂訛補闕與春農學士共讎校者其門人武寧張子
伯眉也均有功於斯集用並著之

道光十有二年壬辰冬十月望日兼護山東鹽運使司鹽運使濟南府知府前翰林

重刊周文忠公集敘略

吾邑宋文集自先文忠公外惟周益公所著甚富宋史謂之平園集以公晚年自號平園叟也然其初集題曰省齋文稿續集乃稱平園考南宋時廖行之蘇思恭吳獬有集皆名省齋故省齋亦不可以名公集我朝編纂四庫全書易平園舊名而以文忠集著錄迨觀元馬端臨文獻通考作周益公集而國朝顧脩所輯彙刻書目又謂之周益公大全集公集著錄不同如此惟公德業文章爲一代之望而數百年後高文典冊不惟環海之內所未覩卽桑梓之邦亦莫得撫遺編徵前獻以慰高山景行之思心竊恫焉榮自早歲卽有志是編訪知張古餘觀察藏有舊本急借鈔錄因譌缺甚多惆悵久之時與王霞九觀察覓公集善本重刊以廣流布於是觀察借得內府皮閣本與同人倩工分鈔之旋以督學楚北未竟也又謀諸彭春農學士出其祖文勤公知聖道齋本合翰院本校錄郵寄榮喜獲全書不揣固陋匯數本之異同參互鈎稽訂譌補缺次第編錄匪敢云克復舊觀較之諸本差爲完善考是集爲公子綸所輯一準公手編先文忠公集例平生著作皆得備載當板行時直如德星慶雲焜耀寰區讀公文者莫不薰陶鼓舞其中迄今舊刻蕩然無存而藏書家鈔本亦不

多觀茲幸蒐羅就緒倘歲月再延又將放失豈不惜哉抑

榮

重有感焉先文忠公

集實由公編定自紹熙辛亥迄慶元丙辰凡六閱寒暑而成其考覈之精編次之審與夫究集古錄之初終搜歸榮集之散軼未嘗不歎前賢古誼卓越等倫

榮

於公無

能爲役而念公校先文忠集之勤則是編之刊愈汲汲焉難已第元書二十七集爲卷二百讎勘匪易歷數歲之久始得一百六十二卷擬俟全集校畢鐫板霞九觀察貽書敦促之因取已校正者付之剞劂俾藝林先覩爲快餘俟續刊爰述其顛末如

右

大清道光二十有八年歲次戊申孟秋月邑後學歐陽榮謹書

續刊周文忠公全集敘略

周文忠公全集凡二百卷

梁

達歲校正一百六十二卷先爲板行已敘其崖略矣尙

餘雜著述二十三卷書稿十五卷附錄五卷年來昕夕展讀竊嘆公之著作不獨鉅製鴻篇光耀千古卽隨筆紀錄其於制度曲章藝文名物亦莫不賅洽精詳書稿中籌及時政往往大力小心貫注於字裏行間並足以垂不朽續刊之役詎容緩耶爰勉策駑鈍仍據彭春農學士手校本合王霞九觀察所分鈔翰院本雜著述之十一種張古餘觀察本所有思陵錄玉堂雜記二老堂詩話暨書稿附錄悉心參訂概登棗梨公之集於是大備海內嗜古之士固樂睹其全而

梁

亦幸殷殷謀梓之夙願畢

遂也彭學士原定雜著述與書稿凡例四條今補錄并恭錄

四庫全書總目提要冠初刻卷端玉堂雜記二老堂詩話提要分列二種之首以昭國朝右文之盛云

咸豐元年歲次辛亥仲夏月邑後學歐陽榮謹識

彭學士原定凡例

一書目最宜簡明方便檢閱是書原定總目以文集之名作大綱統爲二百卷內分諸種各自爲卷諸卷各自爲體綱下有目目下有子目已詳備矣而玉堂類稿中又於各體中多立名目如同是詔體又分賜臣僚請免賜臣僚生日賜外國生日及獎諭外國獎諭臣僚等名如此之類甚多今但以詔爲目而以舊所分云云改注於各體之下亦便觀覽餘仿此

一是書向有板本而時已無傳所據兩本皆出自鈔寫語句多有異同若逐以校記恐滋煩雜今擇其有關疑義者注之其無甚切要及灼知其誤者卽爲校正不復加注焉

一平園續稿四十卷原無目錄今增入惟目係後人所定而目中語意則節略原文而爲之恐世間尙有傳本別有目錄則與此爲不符謹記於此

一平園續稿中神道碑各本前後次第俱不相同今略以年月爲序位次雖殊而卷數仍舊其第三十五卷第四十卷舊多脫誤考宋人諸家文集多以青詞載偈頌之前今則以佛家銘贊偈子之類爲第三十九卷道家設醮青詞之類爲第四十

卷亦微有異昔公編刻歐集嘗自謂歲月差互標注牴牾所以能免其視舊本則有間矣今之稍有移置亦猶行公志也

一掖垣類稿七卷署年月者十之六七而先後次第乖舛既非編年又非分類如卷七王秬除知饒州勅前注乾道八年正月後又注七年十月十三日指揮考公以乾道八年正月復入中書自序云不一月又坐論事丐免南歸錄云二月丙辰受省劄卽登車今卷中署十月十一月十二月者蓋皆七年冬積壓未下之詞命其二月十九二十五三月十一日等三勅公已去國何從有此疑二月當爲十二月至三月當爲正月緣前後數勅皆正月且同是十一日也宋史乾道八年簡帙脫落無可考證詞命之與指揮參差數月勉強編年終恐與史相戾今取前五卷稍爲詮次分恩除功敘罷復贈封國卹神號六門卷六原已分類姑仍其舊卷七俱係乾道間之作亦自爲一卷而稍正其次焉

一掖垣類稿中各題語意文體皆似記敘事由過於冗長其前總目稍爲簡明然亦出後人隨意刪錄如李璘項膺轉官乃云張綸魏安行展二年磨勘蓋節略本事而誤者殊不可用今另爲各題而錄舊文爲小注用資考證以其初非題式故謂

之原標云

一玉堂類稿中亦稍有釐正如敕文以可大赦天下以前爲首詞於戲以下爲尾詞分一篇爲二首殊非體制加恩等制以新舊封邑敍入制中而題則從簡宋人四六之文此等處概不詳著今不從刪者以其足資考核故也內制一門既注明賜臣僚請免等云云以括其凡而逐題仍必載明賜某人請免不允不得再有陳請云云亦似過煩今刪之他仿此口宣一門如金使到闕後訖回程典禮不一原本逐事編年著錄然有口宣不出公手者則就中典禮隨文俱缺且他處皆係分類此忽編年亦爲自亂其例今考依各典禮節次各歸一類既可藉知當時儀制而與全書之體亦歸畫一

一省齋文稿平園續稿前數卷詩集舊本每篇各記歲月易與詩中自注相亂謹案公譔歐集年譜後序云凡居士集外集各於目錄題所撰歲月奏議表章之類則隨篇注之今卽用其例將詩集年月移注目錄之下

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

國語對三才書卷之三

重刊凡例

一是集共二百卷外年譜一卷附錄五卷張古餘觀察鈔本止一百二十五卷內缺三十九卷王霞九觀察所分鈔翰院本又止有平園續稿省齋別稿詞科舊稿掖垣類稿四種惟彭春農學士所錄知聖道齋本爲全書互校三本各有異同得失蓋皆假手鈔胥亥豕魯魚所未能免今悉心讎勘計得一百六十二卷先爲梓行其雜著述二十三卷書稿十五卷及附錄五卷俟續刊

一年譜一卷彭本原附二百卷之後今移置卷端并冠以宋史南宋書宏簡錄本傳俾學者讀其書先知其人亦尙論之一助也

一彭學士本乃據知聖道齋本合翰院本而校定者二本互有異同可兩存者則標注某本作某互有得失須考證者則標注案云云今校則更取張觀察鈔本及王觀察所鈔翰院本互勘遇有異同得失亦倣其例標注

一彭學士原校有灼知其誤者卽爲改正不復加注今校亦用其例或有似是而非易滋人惑者間爲明標其誤

一是集分類編次並以彭本爲據間有從翰院本及因年代參差稍爲移置者均於

周文忠公全集
每卷每篇之後一一注明

一是集諸本完缺互異有彭本無而張本翰院本有者則注明張本有若干字翰院本有若干字有彭本脫佚依張本翰院本增補彭本錯簡依張本翰院本釐定者則注明依某本增補依某本釐定其缺字處彭本有畫□者有寫缺字者今並畫□如缺一字則畫一□缺二字則畫二□□以次而推若缺字甚多則注案云云一平園續稿第三十九卷錄四十卷彭本互爲移置今依翰院本釐定庶與省齋文稿青詞祝文祭文居前擇道頌偈贊題居後體例畫一又案省齋文稿第四十卷首以釋道二字標目以頌偈贊題等字小注於下而平園續稿則未明標釋道二字爲目今並歸一例

一掖垣類稿一卷至五卷俱係外制彭本第分列恩除功敘罷復贈封國卹神號六門而不特標外制二字似與全書體例不符今以外制標目而以恩除功敘等名分注於下較爲明晰

一掖垣類稿七卷彭本署年月者十之六七而先後次第多有舛錯今無從考覈故一概不列年月

一玉堂類稿內制八卷彭本有臣僚請免賜臣僚請免等名因內多錯出不齊今刪之惟以內制二字標目庶免混雜

一奏議十二卷原無目錄今增入以便檢查

一彭本所定凡例共十二條茲錄八條餘四條係校雜著述與書稿之例俟續刊時補入

邑後學歐陽榮謹識

